

Na osnovu člana 13. Zakona o finansiranju institucija Bosne i Hercegovine («Službeni glasnik BiH», br. 61/04, 49/09, 42/12, 77/12 i 32/13) i člana 18. Poslovnika Centralne izborne komisije Bosne i Hercegovine („Službeni glasnik BiH“, br. 50/07, 33/09, 24/13 i 32/14), Centralna izborna komisija Bosne i Hercegovine je na 32. sjednici, održanoj 15.06.2017. godine, donijela

## **P R A V I L N I K**

### **o procedurama ostvarivanja prihoda po vrsti prihoda**

#### **Član 1.** **(Predmet)**

Ovim Pravilnikom definišu se postupci i procedure evidentiranja, praćenja i kontrole prihoda budžeta institucija Bosne i Hercegovine i međunarodnih obaveza Bosne i Hercegovine (u daljnjem tekstu: Budžet BiH) koje ostvaruje Centralna izborna komisija Bosne i Hercegovine (u daljnjem tekstu: Centralna izborna komisija BiH) po osnovu novčanih kazni, taksi i naknada od SMS usluga.

#### **Član 2.** **(Vrste prihoda)**

Centralna izborna komisija BiH evidentira, prati i kontroliše:

- a) prihode od novčanih kazni koji izriče Centralna izborna komisija BiH po odredbama Zakona o finansiranju političkih stranaka („Službeni glasnik BiH“, br. 95/12 i 41/16);
- b) prihode od novčanih kazni koje izriče Centralna izborna komisija BiH u postupku utvrđivanja kršenja odredaba Izbornog zakona Bosne i Hercegovine („Službeni glasnik BiH“, 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16),
- c) prihode od taksi za učešće na izborima po odredbama Izbornog zakona Bosne i Hercegovine
- d) prihode od naknada od SMS usluga u skladu sa odredbama zaključenih ugovora o pružanju SMS usluga između Centralne izborne komisije BiH i telecom operatera, kao vlasnika SMS broja koji predstavljaju sistem informisanja birača o mjestu glasanja na izborima.

#### **Član 3.** **(Način i mjesto uplate prihoda)**

(1) Prihodi iz člana 2. stav (1) tačke a) i b) ovog pravilnika uplaćuju se na Jedinствен račun trezora kod Centralne banke BiH broj: 000 003 00000001 45, poziv na broj: 37111 sa naznakom-kazne koje izriče Centralna izborna komisija BiH.

(2) Prihodi iz člana 2. stav (1) tačke c) ovog pravilnika uplaćuju se na dodatni račun Jedinственog računa trezora kod Centralne banke BiH-Centralna izborna komisija BiH broj: 000 003 00000001 45, poziv na broj : 37111614, svrha uplate-takse za učešće na izborima.

(3) Prihodi iz člana 2. stav (1) tačke d) ovog pravilnika uplaćuju se na Jedinstven račun trezora kod Centralne banke BiH –Centralna izborna komisija BiH broj:000 003 0000000145, sa pozivom na broj 37111 i svrhom uplate-uplata telecom operatera.

#### **Član 4.**

##### **(Evidentiranje prihoda)**

(1) U skladu sa članom 2. stav (1) tačka o) i člana 13. stav (5) Zakona o finansiranju institucija Bosne i Hercegovine („Službeni glasnik BiH“, broj 61/04, 49/09,42/12,77/12 i 32/13) prihodi iz člana 2. ovog pravilnika se evidentiraju u periodu u kojem postaju raspoloživi i mjerljivi i priznaju se tak nakon izvršene naplate.

(2) Uplate iz člana 3. stav (1) ovog pravilnika knjiži Ministarstvo finansija i trezora BiH u Glavnu knjigu Centralne izborne komisije BiH na konto prihoda – 723112 “ Prihodi od kazni po odluci Centralne izborne komisije BiH“.

(4) Uplate iz člana 3. stav (2) ovog pravilnika knjiži Ministarstvo finansija i trezora BiH u Glavnu knjigu trezora, kao odgođeni prihod, odnosno obavezu na konto 361114-„Obaveze po nalogu Centralne izborne komisije BiH“ na dan uplate. Dio ovih sredstava u skladu sa odredbama Izbornog zakona Bosne i Hercegovine, po nalogu Centralne izborne komisije BiH se vraća političkim subjektima koji su osvojili mandat, dok se preostali dio ovih sredstva sa podračuna: 37111614 prebacuje na glavni račun trezora i oprihoduje. Ovaj prihod Ministarstvo finansija i trezora BiH knjiži u glavnu knjigu Centralne izborne komisije BiH na konto prihoda 722791 – „Ostali prihodi“.

(5) Uplate iz člana 3. stav (3) ovog pravilnika knjiži Ministarstvo finansija i trezora BiH na u glavnu knjigu Centralne izborne komisije BiH na konto prihoda 722791 – „Ostali prihodi“.

#### **Član 5.**

##### **(Evidentiranje i kontrola o novčanim kaznama)**

(1) Novčane kazne po odredbama Zakona o finansiranju političkih stranaka, evidentiraju se na dan donošenja odluke o izricanju novčane kazne, kao potencijalni prihod u internu evidenciju. Interna evidencija se vrši unosom podataka o izrečenoj kazni (naziv političke stranke koja je kažnjena, iznos kazne i datum izrečene kazne) u aplikaciju –kazne CIK BiH. Ovu evidenciju vrši zaduženo lice iz Službe za reviziju finansiranja političkih stranaka. Ovi podaci se unose u roku ne dužem od sedam dana od dana izricanja kazne.

(2) Novčane kazne po odredbama Izbornog zakona Bosne i Hercegovine, evidentiraju se na dan donošenja odluke o izricanju novčane kazne, kao potencijalni prihod u internu evidenciju. Interna evidencija se vrši unosom podataka o izrečenoj kazni (ime lica i političkog subjekta koji je kažnjeno, iznos kazne i datum izrečene kazne) u aplikaciju –kazne CIK BiH. Ovu evidenciju vrši zaduženo lice iz Odsjeka za pravne poslove, odnosno iz Odsjeka za izbore. Ovi podaci se unose u roku ne dužem od sedam dana od dana izricanja kazne.

(3) Zadužena lica iz stava (1) i (2) ovog člana osiguravaju uplatnice ili druge dokaze o uplati novčanih kazni, te po prijemu istih u saradnji sa zaduženim licem iz Odsjeka za materijalno-finansijske poslove, evidentiraju uplatu kao prihod u internu evidenciju. Ovi podaci se unose u roku ne dužem od sedam dana od dana uvida u knjigovodstvenu evidenciju.

(4) Zaduženo lice iz Odsjeka za materijalno-finansijske poslove je po zahtjevu lica zaduženog za evidenciju kazni obavezno dostaviti knjigovodstvenu evidenciju uplaćenih kazni. Neovisno o zahtjevu, zaduženo lice iz Odsjeka za materijalno-finansijske poslove je obavezno da jednom mjesečno dostavlja knjigovodstvenu evidenciju uplaćenih kazni (karticu –prihoda od kazni po odluci Centralne izborne komisije BiH) svim licima zaduženim za evidenciju kazni.

#### **Član 6.** **(Evidentiranje i kontrola o taksama)**

(1) Takse koje uplaćuju politički subjekti za učešće na izborima, zaduženo lice iz Odsjeka za izbore evidentira u internu evidenciju na osnovu dokumentacije (uplatnice).

(2) Uplate taksi se knjiže u Ministarstvu finansija i trezora BiH na konto odgođenih prihoda 361114, odnosno obaveza po odluci Centralne izborne komisije BiH, na dan uplate istih.

(3) Kontrolu uplata vrši zaduženo lice iz Odsjeka za materijalno-finansijske poslove, na osnovu izvoda Jedinствен račun trezora, dodatni račun broj 37111614, koje dobija iz Ministarstva finansija i trezora BiH.

(4) Po objavi izbornih rezultata, Centralna izborna komisija BiH donosi odluku o povratu sredstva od taksi za učešće na izborima, a na osnovu osvojenih mandata.

(5) Zaduženo lice u Odsjeku za materijalno-finansijske poslove priprema nalog za povrat sredstava od taksi političkim subjektima koji su osvojili mandat.

(6) Ministarstvo finansija i trezora BiH vrši povrat sredstava na račune političkih subjekata, sa kojih je izvršena uplata ili račune koji su prijavljeni Službi za reviziju finansiranja političkih stranaka, a u Glavnoj knjizi trezora se knjiži kao zatvaranje obaveza.

(7) Zaduženo lice u Odsjeku za materijalno-finansijske poslove, kontrolira povrate sredstava na osnovu izvoda koji dobije iz Ministarstva finansija i trezora BiH.

(8) Razlika između uplaćenih sredstava od taksi i povrata novčanih sredstava od taksi, je prihod Budžeta BiH. U Odsjeku za materijalno-finansijske poslove priprema se nalog za prenos sredstava, koja su preostala nakon povrata novčanih sredstava od taksi političkim subjektima sa osvojenim mandatima, sa dodatnog računa broj 37111614 na Glavni račun trezora, te nalog da se pomenuta sredstava oprihoduju.

(9) Ministarstvo finansija i trezora BiH vrši prenos i oprihodovanje sredstava.

#### **Član 7.** **(Evidentiranje i kontrola prihoda od SMS usluga)**

(1) Prihodi od SMS usluga, koje telekom operateri uplaćuju u skladu sa ugovorima sklopljenim sa Centralnom izbornom komisijom BiH na Jedinствен račun trezora, na osnovu izvještaja o prometu za SMS usluge i evidentira se u Odsjeku za materijalno-finansijske poslove u internu evidenciju.

(2) Ministarstvo finansija i trezora BiH na osnovu uplata na Jedinствен račun trezora knjiži u Glavnu knjigu Centralne izborne komisije BiH.

### **Član 8. (Knjiženje prihoda)**

(1) Prihodi se knjiže u Ministarstvu finansija i trezora BiH u odgovarajuća konta u Glavnu knjigu Centralne izborne komisije BiH na dan uplate prihoda iz člana 2. ovog pravilnika.

(2) Prihodi iz člana 2. ovog pravilnika priznaju se tek nakon izvršene naplate, u skladu sa članom 13. stav (5) Zakona o finansiranju institucija Bosne i Hercegovine kojim je utvrđeno da prihodi koji nastaju iz iznajmljivanja sredstava (imovine) i pruženih usluga kao i takse (naknade), novčane kazne i druge vrste prihoda priznaju se tek nakon izvršene naplate.

### **Član 9. (Odgovorno lice i izvještavanje)**

(1) Zaduženo lice iz Odsjeka za materijalno-finansijske poslove saraduje sa Ministarstvom finansija i trezora BiH, kontrolira proknjižene prihode, uplatnice i internu evidenciju.

(2) Zaduženo lice iz Odsjeka za materijalno-finansijske poslove obavezno je izvještavati dva puta godišnje Centralnu izbornu komisiju BiH o naplaćenim prihodima iz člana 2. ovog pravilnika.

### **Član 10. (Obrazac tabelarnog pregleda prihoda)**

Zadužena lica iz člana 5., 6. i 7. ovog pravilnika vode internu evidenciju na obrascu tabelarnih pregleda prihoda, koji je sastavni dio ovog pravilnika, a kazne evidentiranjem u aplikaciju –kazne CIK BiH.

### **Član 11. (Prestanak primjene)**

Danom stupanja na snagu ovog pravilnika prestaje primjena Pravilnika o procedurama ostvarivanja prihoda po vrsti prihoda broj: 01-02-2-1506/09 od 26.03.2009. godine.

### **Član 12. (Stupanje na snagu)**

Ovaj pravilnik stupa na snagu danom donošenja, i kao interni akt kojim se propisuje evidentiranje, praćenje i kontrola prihoda budžeta institucija Bosne i Hercegovine i međunarodnih obaveza koje ostvaruje Centralna izborna komisija BiH, neće se objavljivati.

Broj: 07-1-02-2-815-1/17  
Sarajevo, 15.06.2017. godine



Predsjednica

Irena Hadžiabdić